

職原抄大全  
八

院位  
廳階

桃華補

73
6595
9





6595  
9

職原抄引事大全卷之八

後學植木悅集註

正一位 唐名文散位

○官位令曰正一位文散位云愚曰正從一位  
太政大臣位也自上古以來叙正一位入二三  
人而已多是贈位也上古者無位階制以爵定  
其位至天武天皇之時定十二階四十八階之  
制先是推古天皇之時雖十二階定之未有皇  
子諸臣之差別至天武以十二階為親王諸王  
之位以四十八階為諸臣之位至文武天皇時  
始以親王為一品二品三品四品以諸王諸臣  
自正從一位至初位合三十階以分次序至今  
世不改者也位階次第詳于首卷○異朝品秩



昭和元年  
十月五日  
長男友平  
於氏男

職原抄



次第者自太昊以龍紀官唐虞建官惟百未分  
 品秩周官以九儀正邦國自一命至九命漢自  
 中二千石止二百石皆有北魏文帝延康元年  
 陳群立九品官人之法後魏文有從品孝武自  
 四品已下每品為階北齊九品各分正從則品  
 秩之原肇於魏陳群也愚曰品秩者秩次序也  
 依官品次第給祿事也日本品秩者推古時始  
 雖有十二階應其階不聞給祿其後歷代雖有  
 封戶給祿之事無應其位給之制至文武天皇  
 始應其品位給田祿是文武者品秩之始也正  
 字濁而讀是故實也自一位至八位如此或欽  
 云一位可清自正二位以下可濁萃庵云未見  
 本說只自正一以下皆可濁○文散位按通典  
 以武官位為武散官以文官位為文散官非唐名  
 天平勝寶二年以從一位左大臣諸兄始叙正一  
 位

同二年三月己正  
 一位提宿林諸兄  
 賜朝臣姓

續日本紀天平勝寶元年詔授左大臣從一  
 位橘諸兄正一位○愚曰敏達天皇五代諸兄  
 始曰葛木王但葛木王親母曰橘氏事見于橘  
 氏長者之所也諸兄公者日本存生而叙正一  
 位始也

其後藤原押勝同永手等公叙之此外無存生之  
 例皆以贈位也

續日本紀押勝天平寶字四年正月授大保  
 從二位藤原惠義朝臣押勝從一位同六年二  
 月授正一位○愚曰押勝始名藤原仲磨武智  
 磨之子也孝謙天皇寵幸之號改惠義押勝詳  
 于太政大臣之所○永手續日本紀寶龜二年  
 二月左大臣正一位藤原朝臣永手薨時年五  
 十八奈良朝贈太政大臣房前第二子也母曰  
 正二位牟漏王以累世相門起家授從五位下



勝寶九歲至從三位中納言兼式部卿寶字八年九月大納言授從三位神護二年拜右大臣授從一位居二歲轉左大臣寶龜元年授正一位云愚曰以上三人者日本存生而叙正一位始也其外皆贈位也死而贈位曰贈位給官曰贈官給號曰謚給貨財曰贖

從一位

唐名開府儀同三司

○官位令曰從一位開府儀同三司唐開府儀同三司同三司又從字不讀樹也名漢文帝元年初三年宋昌為衛將軍位亞三司後漢章帝建初三年使車騎將軍馬防班同三司同三司自此始也賜帝延平元年鄧騭為車騎將軍儀同三司儀同之號自此始也魏黃權以車騎將軍開府儀同三司蓋漢制唯三公開府至魏以餘官其儀同三公故以為號由此歷代以名官唐武德七年以為散官

天平十五年左右大臣諸兄始叙之大臣以十年勞必叙一位或又依時議叙之前大納言叙例弘安六年基具公始叙之

○攝諸兄上詳十年勞者十年之間勤奉公不懈怠人必叙從一位也基具村上天皇十一代也弘安六年大納言基具叙從一位七年准大臣拜任也前大納言而叙從一位基具始也見于公卿補任

其後皆以可然人人叙之現任大納言叙例嘉元三年具守公也

○現任當官事也去官曰前官當官曰現任言前官大納言叙例基具也當官大納言叙例具

○十二月廿日

嘉元三年恐誤



守也公卿補任曰從一位具守公基具公男正安元年四月十二日叙從一位大納言如元云

近代宣房卿叙之已來名家輩多以叙之可謂

無念

○宣房者後醍醐天皇臣也吉田大貳資經之孫藤三位資通子也資通者万里小路祖也

正二位

唐名特進 或上柱國

○官位令曰正唐特進漢氏諸侯有功德優盛二位特進云名朝廷所敬異者賜特進在三公下階文帝以為散官○唐太宗時以李靖為特進特進名始于漢○上柱國楚寵官也懷王使柱國昭陽攻齊陳軫問曰楚國何貴昭陽曰上柱國是也後魏孝莊始立柱國大將軍又後周建德中增置上柱國大將軍階置並散官

大寶元年以左大臣正廣三多治比嶋真人改正

廣三始叙之

正廣三者位也天武時定十二階四十八階其四十八階之中當第六位階日本紀持統四年秋七月以正廣三授冊比嶋真人為右大臣持統拾年冬十月賜右大臣冊比真人與杖賜資人一百二十人大寶元年甲午授左大臣正廣二多治比真人嶋正二位云愚曰續日本紀作正廣二也多治比姓也嶋者諱也真人尸也是正二位始人也

從二位

唐名光祿大夫

○官位令曰從唐魏晉以來有左右光祿及光祿大夫又曰秦置光祿勳屬官有中大夫漢武太初元年更名光祿大夫曆代不改通典曰隋為散官又曰夫扶也唐也

藏原抄

川喜大

四



文武五年以大納言王廣三阿倍御主人始叙之

○續日本紀大寶元年甲午授大納言正廣參阿倍朝臣御主人正從二位愚曰文武五年則大寶元年也阿倍御主人者倉橋磨之子也御主人後任左大臣阿倍姓也御主人諱也是始叙從二位人也

攝政關白大臣納言參議叙之散正二位始延久師成卿同從二位正曆成忠初也二位中將始賴宗公也

○此章皆論位階濫觴人公卿補任曰師成卿忠平公五代孫通任男治曆四年正月七日叙

從二位延久五年四月叙正二位愚曰散正二位者無官人叙正二位也但雖有官非公卿官者則為散正二位○從二位成忠公卿補任曰高橋成忠寬和二年七月三叙從三位正曆二七月二叙從二位愚曰同從二位者散從二位事也○賴宗公卿補任曰二位中將賴宗藤原道長公二男寬弘三三右中將從四位上同八十一叙從三位長和元四月七正三位同二年九月十六從二位同三年任權中納言

攝關子及孫得之只人俊房通光公等也

○言攝關之子及孫自二位中將任中納言不經參議也凡任二位中將者至今世非五攝家者不任之也○俊房公卿補任曰源師房公男永兼五年十三叙從三位左中將如元同六年二月十三正三位天喜二年二月二十二從二位言俊房者具平親王之後也非攝關子孫



故曰只人也。○通光公卿補任曰通光通親公男建仁元年四月二從三位右中將同二年七十三正三位同十年十九從二位言通光又具平親王後土御門內大臣通親公男也是又凡人也攝政關白子孫之外皆曰凡人。

又少將永久教實始之或又侍從叙之 祐家 儒道

宿老公卿以下皆叙之者也

○教實公卿補任曰光明峯寺道家公男建保五六二十九右少將承久三年正五日從二位○祐家人名也儒道者菅原大江日野南家等儒家宿老人任公卿人年勞則叙從二位也宿老者奉公年勞久人也

正三位 唐名金紫光祿大夫

○官位令曰正三位金紫光祿大夫勳一等者正三位官次也凡有勳十二等假令無官勳一等者若有官正三位下也下皆准之 唐 金紫光祿大夫魏晉以來皆銀印青綬重者詔加金章紫綬因稱金紫光祿大夫後周以為散官

文武五年以中納言直大一石上磨叙之

○按曆代持統三年九月遣直廣參石上朝臣磨直廣四石川朝臣虫各等於筑紫給送位記又同十年冬十月直廣一石上朝臣磨直廣或藤原朝臣不比等賜資人五十人 大寶元年 午授中納言直大一石上朝臣磨直廣一藤原朝臣不比等正正三位直大一者天武持統時分位階也石上姓也

從三位 唐名銀青光祿大夫



續日本紀大室元幸  
三月甲午直大天伴  
安广呂直廣二紀朝  
臣广呂從三位

○官位今日從三位銀青光祿大夫勳二等  
愚曰假令給勳二等階人者次從三位下也  
唐銀青光祿大夫漢有光祿大夫皆銀印青綬  
名魏晉之代亦有金紫之別故號銀青光祿大  
夫後周時為散  
官散官無官也

和銅二年以長屋王始叙之 文武四年中納言

大神高市丸叙之近衛中將者承和二年源信公

正三位任  
左中將始叙之

○續日本紀和銅二年十一月以從三位長屋王  
為宮内卿靈龜二年正月授正三位云○大神  
高市續日本紀考大神高市授從三位事不見  
也但大寶三年六月以從四位上大神朝臣高  
市偕為左京大夫愚曰長屋王天武之孫高市  
親王之子也天平元年左大臣長屋王欲廢國

○康保四年六月  
十日藏人及于崇深  
四位上同十月七日左  
近中將同十月十三  
四位下安和元年十  
一月廿三日從三位

家式部卿宇合等圍長屋王宅長屋王自經是  
從三位始人也○源信公卿補任曰源信公承  
和二年正七從三位同四月兼左中將愚曰源  
信公者嵯峨天皇子乎

依彼例東三條關白 兼家始為三位中將

○公卿補任康保五年十一月二十三叙從三  
位頭中將如元是人臣三位中將始也

其後執柄凡人息皆叙之少將者宇治關白始之  
或御堂

○攝關子息若孫外皆曰凡人又三位少將之  
始宇治關白道長也公卿補任曰道長公親御  
堂寬和三年九月九叙從三位左少將如元

其以後執柄息時時叙之家卿規模事也

○叙之者指三位少將也○公卿補任曰忠家  
者道長公孫永承五年五月十三日從三位少



將如  
元

### 抑散三位者儒道神祇者尤得之

○惺窩曰散三位自上古有之近代賀茂日吉  
彌宜禰家母家皆叙之刺近日卜部安倍輩叙  
乏可謂無念愚曰非公卿近衛官人叙三位惣  
指無官云神祇者卜部也今吉田秋原卜部神  
也祇

順德院御記曰近年諸大夫生公達或上或下

面趣此境如雲霞所謂離二道中將信輔敦兼通

基等濁流捨文南家捨武平家及事潤屋清隆邦

綱等輩去辨去中將山中昨木之類也

○順德院御記世曰禁秘鈔今禁秘鈔中不見  
此語但予忘失乎追可考生公達者零落家也  
公達家末流也此境謂從三位雲霞多繁也二  
道者諸大夫家者經辨官也生公達家者經中  
將也曰之二道也言離二道進叙三位也信輔  
者中關白道隆公男中納言隆家五代孫也敦  
兼者攝政兼家公四代孫也通基者前能登守  
基賴子也園系圖元祖也濁流誹謗辭也南家  
捨武萃菴云南淵氏也以上皆叙三位人也平  
家葛原親王之後曰平家平清盛任太政大臣  
其一門多任公卿故曰及事也潤屋謂富貴論  
語富潤屋德潤身清隆國綱平家物語五條大  
納言國綱是也清隆家隆祖父○山中昨木者莊  
子七山木篇莊子行於山中見大木枝葉茂盛  
伐木者止其旁而不取也問其故曰無所可用  
莊子曰此木以不材得終其天年夫子出於山  
舍於故人之家故人喜命堅子殺鴈而烹之堅  
子請曰其一能鳴其一不能鳴請奚殺主人曰

表



敘不能鳴者，明日弟子問於莊子，曰：「昨日山中  
之木以不材得終其天年，今主人之鴈以不材  
死，先生將何處？」莊子笑曰：「周將處夫材與不材  
之間，材與不材之間以之而非也，故未免乎累。  
若夫乘道德而浮遊，則不然，無譽無訾，一龍一  
蛇，與時俱化，而無肯專為。一上一下，以和為量，  
浮遊乎萬物之祖，物而不物於物，則胡可得  
而累邪？」○愚曰：山中胙木不材，人多居三位之  
也。謂

何況塵土出身，始清華零落，終万人以此境為猶

仍近年世人號三位淵

○無種姓人出身，後入三位也。清華零落而後  
又造敘三位此境，謂從三位淵者，百谷水皆入  
淵，言凡出身人其外濁流多，集敘三位如百川  
入淵也。

正四位上 唐名正議大夫

○官位令曰：正四唐隨置正議大夫為散官，取  
位上正議大夫。名秦大夫掌議論之義，宋朝  
會要曰：太平興國元年詔改為正奉神宗正官  
名，復曰正議唐因隋制。

藏人頭及賀安兩家陰陽道神祇輩外記史等宿  
老叙之

○史左右  
大夫也

正四位下 唐名通議大夫

○官位令曰：正四位下通議大夫唐通議大夫  
正四位上勳三等又七省卿叙之。名亦隋所置  
散官，其命名之義同正議。宋朝太平興國  
元年始詔改為通奉，神宗復曰通議。



從四位上下

唐名上 大中大夫  
下 中大夫

○官位令曰從四位上大唐大中大夫秦官也  
中大夫下中大夫勳四等名掌議論而劉向說  
楚有晉太中屠餘見晉平公之驕則晉亦有具  
官矣當是晚周列國之官秦以太中為大夫也  
漢書有太中大夫中大夫諫大夫皆無負多至  
數十人則前漢有此官○中大夫秦置為光祿  
勳屬官前漢文紀後元五年有中大夫令免漢  
書載趙中夫白公引經為渠北齊唐又有之

貴賤任次第叙之無殊子細法曹輩及侍叙四位

隨分抽賞之儀也

○言不論其家依奉公勞位次第叙從四位也  
四位大畧殿上人也或以四位曰侍臣也法曹  
明法道也

正五位上

唐名中散大夫

○官位令正五唐王莽所置官也或云漢有中  
位上中散大夫名散大夫漢官曰中散大夫三  
十人秩比二千石後漢中散大夫六百石無負  
胡廣曰光祿大夫本為中大夫武帝元狩五年  
置諫大夫為光祿大夫世祖中興以為諫議大  
夫又有大中散大夫比四等於古皆為天子  
之下大夫視  
列國之上卿

五位職事及外記史明法道等叙之如正四位上

○職事藏人也史左右大史也凡三位者公卿  
列而諸大夫叙之大清撰也自正四位上以下  
者多諸大夫順路也正五位上人以年勞叙正  
四位上是常事也故曰如正四位上也

正五位下

唐名朝議大夫



○官位令曰正五位唐朝議大夫隋置散官取  
下朝議大夫勳五等名漢大夫以上得奉朝議  
以為名大

唐因之

### 從五位上下

唐名上朝請大夫  
下朝散大夫

○官位令從五位上朝唐朝請通典曰漢竇嬰  
請大夫下朝散大夫名為朝請竇太后憎嬰  
門籍不得入朝請此其始也漢律諸侯春朝天  
子曰朝秋曰請又曰奉朝請無負本不為官漢  
東京罷省三公外戚皇室諸侯多奉朝請奉朝  
請者奉朝會請名而已隋開皇中罷奉朝請置  
朝請大夫為散官取漢公卿年高德重者以列  
侯奉朝請之義唐因之朝散亦隋所置為散官也

### 是亦無別儀外從五位下叙內階載入內勘文

○上古六位以下人叙五位為大規模叙之曰  
叙爵昔就其位有位田五位以上給之六位以

下不給位田也初叙從五位下人給位田八  
也首卷詳之後代帝道衰後此法絕故今日別  
儀無之也萃菴曰有內階外階事是有職之故  
實也依其姓氏別內外也外階五位曰外從五  
位下也外位依奉公勞入內階曰入內也勘文  
則外記勘文也○江次第曰若有下姓者經奏  
聞可叙外階有愁時後自改叙內位他亦如此  
凡叙位次第第一王氏其次源氏次藤氏次橘  
氏次上官次諸氏勞云蓋諸官依御申文有年  
給則雖下姓不叙外位也入內並一加階叙位  
之間叙從下了後令殿上辨召外記勘文不入  
物進之每事被問外記諸官給雖下姓叙內階  
自餘依姓叙內外階若有疑姓者先叙外階後  
日依愁叙內階朝外是朝臣姓叙外階也  
**類也**異內是非朝臣姓叙內階也如清原真人  
真人宿禰連直公縣主忌寸首王平源藤原橘  
菅原大中臣高階在原官道已上不叙外階必  
叙內階○民部式曰凡外五位位田者減內位



半愚曰外階事自從五位下以上無外位自從  
五下以下有外位承和十二年壹岐嶋醫師外  
大初位下蘇野勝真吉此為例出之也或問曰  
五位者依有位田論內外階六位以下無位田  
依何論外階哉曰今以壹岐嶋真吉身解之內  
階者六年居其國而選叙進階又外位八年而  
進階以之推可知也謂內長上外長上內番上  
外番上者見于異叙令是章言外從五位下人  
入內階則載入內外記勘文而給位田八町也  
外位者給四町也凡日本故實帝道衰後皆斷  
絕無知之人適雖有知一二二人秘而不傳故年  
年廢皆失其實今愚雖管見有聞清中說故記  
傳後世有博覽人覬潤色矣

正六位上

唐名朝議郎

○官位唐朝議郎通典朝議郎承議郎並隋置散  
令如此名官大唐因之

藏人及少外記少史侍等叙之外記史等以六位  
十年勞叙爵其餘相當見右

○六位藏人也外記史叙五位者以十箇年奉  
公叙從五位下也凡五位以上叙位之時授之  
六位以下以擬階奏叙之也六位以下如今世  
切米取者也其餘相當者神祇少副大內記彈  
正大忠左右太史正親造酒掃部東西市諸陵  
囚獄等正皆正六位上相當也見右者如記本  
書職原錄之義也

正六位下

唐名承議郎

○官位今唐通典曰隋所置舊唐書百官志  
同勳七等名曰唐武德七年改階文騎尉為  
承議郎



### 從六位上下

唐名上奉議郎  
下通直郎

○官位令 **唐** 奉議郎隋散官有通議郎舊唐書志曰正觀十一年定令唯改

通議郎為奉議郎通典作奉議郎神宗正官制亦曰奉議

○通直通典曰隋所置蓋採晉宋以來諸官皆有通直之名官品高下通為宿直也舊唐志曰武德七年改隋屯騎尉為通直郎

### 子細大略同右

### 以上十八階訖

○此六字不分明今按官位令自一位至初位為二列無十八階差別或人曰六位以上除自叙位載之七位以下不載之此又謬也叙位五位以上也除自者勃任奏任官悉載雖七八位所載也判任不載除目也

### 正七位上下

唐名上朝議郎  
下宣德郎

**唐** 朝議郎今官位令作朝請郎通典朝請郎隋置散官蓋採晉宋齊梁陳並有奉朝請為名大唐因之宣德通典曰宣德郎朝散郎並隋置散官大唐因之

### 從七位上下

唐名上朝散郎  
下宣議郎

○官位令同 勳十等 宣議唐改隋游騎尉為宣議郎取梁名宣義將軍之名朝散從七品上宣義從七品下

左右少史少內記陰陽漏刻博士助教明法博士  
太上國掾等七位相當也

此章正從七位都言之也少史正七上也少內記正七上近代六位陰陽博士正七下同師從七上漏刻從七下助教正八下明法正七下太國大掾正七下少掾從七上上國掾從七上

### 正八位上下

唐名上給事郎  
下徵事郎

○官位令同 **唐** 給事郎漢有侍中給事黃門侍勳十一等 郎自各六人後漢有左右給事



中秦官也後周有給事中士別置給事中在六  
官外隋初開皇六年始於史部置給事郎煬帝  
移為門下職唐武德三年改給事郎為給事中  
○徵事郎可作徵字漢昭帝時任官為丞相徵  
事捕斬上官桀注云徵事丞相屬官隋置徵事  
郎蓋取諸此宋朝避仁宗嫌名改曰承事○大  
明朝以徵仕  
郎為從七品

### 從八位上下

唐名上承奉郎  
下承務郎

○官位令同唐承奉郎隋文帝置唐因之宋朝  
勳十二等  
部為承奉郎○承務郎唐置因隋尚書省二十四  
司承務郎之名也古二十五階宋朝元豐中神  
宗改正官制所定以為寄祿格元祐初各員左  
右紹聖二年復舊也

### 采女主水佑中下國祿八位相當也

○二佑正八上中國祿正八下國從八也是又  
正從八位都言

### 正九位上

唐名儒林郎  
中國日等相當也

○官位令大初位上  
儒林郎下登仕郎  
自一位至初位合三十階也今加正九位則為  
三十一階然下章曰以上三十階則此正九位  
者衍文也又中國日唐儒林郎通典曰隋置散  
大初位下也是又違名官蓋取前史儒林傳之  
義大唐  
因之

### 大初位上下

唐名登仕郎  
相當同之  
○通典曰大唐置

○大明以正九  
品下為登仕郎

### 少初位上下

唐名上文林郎  
下時仕郎



○官位令少初位上文林郎又從仕郎下將仕郎云大明以正七品上為文林郎儒士出身見會典又通典曰文林郎將仕郎階置散官大唐因之以上皆散官而無俸祿不朝會也

下國目等相當也

以上三十階訖

○下國目官位令少初位上也自一位至初位三十階是諸王諸官之位也初位者無位資人等入位之初也故曰初位凡無位者舍人史生兵衛伴部使部及帳內資人等也此等可選叙以八考為限八考中進一階叙少初位下四考中四考上進二階八考上進三階叙大初位下一考下記也又此書有勲十二等按令義解六等以上為勅授十二等以上為奏授也勲一等正三位相當則朝參行立時一等以下皆著紫藍色之服立文官之列假令一等行列者立正三

位之下從三位之上類也然案衣服令勲位服色其制不顯即知一等以下不帶文位者皆著黃袍也黃袍者無位人若服也裁縫體制一如朝服也一考者一年中長上十日以二百四十一日為一考番上者以百四十一日為一考內長上六考內分番八考外長上十考外散位十二考而必選上中下奉公品而進位階也

院廳

大別當

大臣公卿清華之人任之

執事

名家之人任之

年預

同前

○院廳者行院中政務之所也廳字彙曰治官處謂之廳事又屋也○大別當者大臣以下兼



官也別當執事長官也年預次官也判官代判官也主典代主典也

判官代

○萃庵曰院判官代主典代代字無殊子細天子奉公之人又兼院判官主典代也然禁中官與院家官紛亂故加代字顯院判官主典也大字限院中○判官代掌糾判廳內署少案勾替失也

主典代

廳官宿老任之  
○是院中錄事官也院宣或院中政記錄職也官人中堪右筆人任之判官主典代中判官多分兼官也

官人

云廳官

代字限院中者也官官者官司等在之

○拾芥云廳官公文院掌筆有之愚曰官人者如太政官八史公文者如史生院掌如官掌也東鑑曰廳官肥後介中原景良有之然則廳官任諸國介有例

親王執柄大臣家

謂之政所

○政所掌一家政務所也禁中曰大政官院曰院廳執柄曰政所皆其職有高下其意一也故代字別之也

別當

○別當令長官也知家事次官也大少從判官也書史主典也諸大夫宿老者其家譜第諸大



夫年勞人也

重代侍任之

令

○令者或曰家令也家令職負令曰家令一人掌惣知家事餘家令准此云愚曰昔令掌一家政後代置別當也假如大學頭又如大學別當置之令長官而又置別當令檢投也

知家事

下家司也

○鈇云家司謂執柄家令曰家司也下家司則知家事以下也上古曰之扶後代改為知家事或云別當令為家司但知家事以下惣為下家司

大從 同上

少從 同上

○同上者是又號下家司也家令職負令曰大從一人掌檢投家事餘從准此少從一人掌同

大從官位令曰一品家令職事一位家令從五位下二品家令正六位上一品家令扶三品家令職事一位家令扶職事二位家令從六位上一品家令扶職事一位家令大從職事正三位家令從七位上一品家令少從二品家令從四品家令扶職事一位家令少從職事從三位家令從七位下三品家令從職事二位家令從正八位下四品家令從八上一品家令大書吏職事一位家令大書吏從八下一品少書吏二品大書吏職事一位家令少書吏大初上一二品少書吏大初下三品四品家令書吏職事二位家令書吏少初上一職事三位家令書吏少初下愚曰一品家以下謂親王家也職事一位以下謂公卿以上也職事帶官之名以無官曰散位有官曰職事也昔親王以下納言以上有令扶從書吏之官也後代置別當又改扶為知家事又無官一位二位三位非此例也或云後代改書吏為案主



大書吏 同上

少書吏 同上

○家令職負令曰大書吏一人掌勘署文案餘書吏准此少書吏一人掌同大書吏云云○書吏云云今本作書吏非也

此釵者北ケレユ畠准后大納言源親房所集也百官之始末諸家之勝劣殆如指掌宜著眼耳 桃華老人

○此釵者謂職原釵也自正一位以下至此桃華禪閣之追加也北畠者稱號也准后官是於吉野任之乎於京都者任大納言而未任准后也源姓親房諱也指掌言分明而安知也論語之字也一條禪閣號桃華老人也關白隱君曰大閤其人落飾時無禪閣也或曰關白人隱君而其子任關白曰之大閤一代而子小為關白曰之禪閣





